

Instruits pendent quelques Iours a Sillery ie les ay enuoyez dans le lieu de nostre nouuel establisement, ou ie vais actuellement les trouuer et ie vous ecris cecy en chemin pendent quon Racommode nos Canots, qui ont esté beaucoup lezez en chemin il y a aussy desia dans nostre nouuel Etablissement dautres nouueaux fauages arriuez de l'Acadie que ie nay point encore veus; cest ce qui my fait aller plus promptement afin de leur faire prendre au plustost les sentimens quilz doiuent prendre s'ils veulent se Ioindre a nostre mission on en attend encor tous les Iours dautres qui doiuent arriuer de L Acadie et ils disent eux mesmes que bientost tout le reste qui est dans L Acadie viendra prier. Iay toutes les peines du monde a faire subsister tout ce g^d. nombre mais ie vous assure que Iaccepte volontiers cette peine voyant La ferveur qui est dans la plus part de ces fauages et La maniere dont ils prennent les choses de Dieu. Iay trouué ces nouueaux fauages qui m'attendoient au lieu de nostre nouuel Etablissement dans La mesme disposition que les autres pour La priere et ie croy que bientost ie feray obligé dy demeurer presque toujours La plus part de ceux qui sont restez iusqua present a Sillery voulant aller rejoindre a ceux cy il ny aura qu'environ cent personnes des plus Agees qui demeureront a Sillery ou nous Laisserons pas de Conseruer nos Cabanes pour y Loger dans les frequens voyages quon fera obligez de faire a Quebec. Sept ou huict Iours apres la feste de Dieu nous ferons La premiere solemnité du S^t. Patron de nostre Mission S^t. françois de Sales dans LEglise que nous auons dressée depuis quinze Iours, Lautre que nous auons dressée Lan passé